

سروش

سر ۶ ۱ ۳۰ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفته لاق مجموعة اسلاميه در
اتبعون اهدكم سبيل الرشاد

صاحب و مدير مسئول : ع . اشرف اديب

جلد ۱-۸

۲۴ مایس ۱۳۲۸

پنجشنبه

۲۰ جاذی الاخر ۱۳۳۰

عدد ۱۴-۱۹۶

فَطْبُوءُ بَنَاتٍ

لورد کیچنرک مصر حقیقہ کی راپوری

عرب حاضرہ دائر بیاناتی

تایمسن :

انکاترہ نك مصر مأمور سیاسسی لورد کیچنرک ۱۹۱۱ سنہ سنہ دائر اولان مفصل راپوری دون آقشام انکاترہ خارجہ نظارتی طرفندن نشر وتوزیع اولمشدر . مشارالیهک بوراپوری پک مفصل اولوب خطہ مصریہ نك احوال زراعیہ ، اقتصادی و سیاسیہ سیلہ معارفی ، مجالس عمومیہ سی ، محاکم وامور عسکریہ سی وخصوصات سائرہ سی موضوع بحث اولمشدر .

لورد کیچنرک بومناسبتلہ خطہ مصریہ ایلہ ہم حدود و مجاور بولنان طرابلس وبنغازی محاربہ سی حقیقہ دہ بعض بیاناتدہ بولمشدر .

لورد کیچنرک راپورندہ حرب حاضر حقیقہ شو صورتلہ اداره کلام ایتمشدر : « مأموراً مصرہ مواصلتی متعاقب ایتالیا حکومتی ناکھانی بر صورتدہ دولت عثمانیہ قارشو اعلان حرب و طرابلسہ ، بنغازیہ هجوم ایلشیدی . بوقیقت بوتون عالم اسلام و بالخاصہ مصر مسلمانلری اوزرینہ بویوک بر تأثیر حاصل ایتدیکی کی مصرک حیات آسودہ کیسینی دہ اخلال ایتش و اھالیہی فوق العادہ و امثالی نامسبوق بر صورتدہ ہیجانہ کتیرمشدر . بویھجانک تزیایدنہ باشلیجہ خدمت ایدنلرمیانندہ مصر دہ کی غیر مشغول بعض غزتلر کوستریلہ بیلیر . غزتلر طرفندن افکار عمومیہ تہییج ایدلنکی ایچون درحال محاربہ ایتکدہ اولان قومشولری حقیقہ مصرک همان طرفندہ اعانات درج ایدلش و بوکا بوتون اھالی ، ذکور و انات ، بویوک ، کوچوک عموماً اشتراک ایلندر . جمع و درج ایدیلن مبالغ میدان حربہ و در سعادتہ اوسال اولندینی کی ، آبروجہ میدان حربہ ذخیرہ و سائرہ کوندلرلکہ باشلامش و پیدرپی دلال اجر جمعیاتی دہ تشکل ایدرک متعدد دوقشورلرلہ اجزاجیلر و بولنلرہ لازمکن ادویہ و مالزمہ تدارک ایدیلوب سوق اولمشدر .

حربک اعلانی متعاقب حکومت مصریہ بیطرفلغنی اعلان ایتمشیدی . بیطرف قالمقده و صغوق قانلیغنی محافظہ ایتکدہ حکومت مذکورہ ، مأمورلری طرفندن ہر درلو ستایشہ لایق بر اثر درایت کوسترلشدر .

مصریلرک بوخصوصہ کی ہیجانلری طبیعی برشی ایدی . دیانہ مشترک اولدینی کی خطہ مصریہ ایلہ طوغریدن طوغریہ مجاور و ملاصق بولنان بنغازی و طرابلس عربانہ قارشو ایتالیا طرفندن کوستریلن معاملات اعسافکارانہ و استیلاجویانہ دن طولانی مصر مسلمانلری ہیجانہ دوچار اولقده معذور ایدیلر . اوتہ دن برو مصر ایلہ بنغازی آردہ سنندہ قرہ دن چولدن مواصلات و مناقلات تجاریہ جاری اولدیغندن ، ہر ایک عنصر بر برینہ مادہ ، دیانہ و تجارت بویوک ، متین بر باغ ایلہ پک صبیقی وقوی بر صورتدہ مربوطدلر . ہر نہ حال ایسہ ، بالادہ تفصیل ایدیلن ہرجان بوسوک کونلردہ شدت و اھمیتی بر درجہ یہ قدر تخفیف ایتش و اولکی غلیانلر مبدل سکون و اعتدال اولغہ باشلامشدر .

درنہ مبعوثنک بیاناتی

المؤید غزتلہ سندن :

کریک یمندہ و کریک درنہ دہ فوق العادہ یارارقلر کوسترن بیکباشی عبدالقادر غنای پک طرابلسدن مصرہ کلش و بورادن استانبولہ عزیمت ایتمشدر .

بو ذات یمنہ کی مصادمات اثناسندہ بویوک بر اثر شجاعت و جسارت کوسترمش و مشہور سنان باشا موقعی آیلرچہ مدافعہ و محافظہ یہ موفق اولش و بالآخرہ قوماندان عزت باشا امدادیہ یتشمسیلہ محاصرہ دن قورتولمشدر . ایتالیا نلرک طرابلسہ هجوملری اوزرینہ عبدالقادر بکک مصری عزیز علی پک

اعتبارہ آلامزلرمی ؟ بر ملت ، بر حکومت ، بر دولت نہ ایلہ قائمدر ؟ قوت ایلہ دکلکی ؟

باقیکز کچنلردہ یونانستانک آواروف زرهلیسیلہ ایکی عدد طور . پیدوسی اسکندریہ یہ کتیدیلر . مصر طور براغندہ نہ قدر یونانی و روم وارسہ ہپسی قوشدیلر کلدیلر . حرب کیلرینی زیارت ایدرک کوکرتہ . لرینی اوچ یوز بیک (۳۰۰۰۰۰) مصر آلتونیلہ غرق ایتدیلر . یونانلیرک بوقدر بویوک غیرت ملیت پروریلری بڑہ عبرت اولماسونمی ؟ ایشتہ بولرینہ بر زرهلی پارہ سی ہایدیلر دیمکدر . ہلہ بورادہ کی روملر آتینہ نہ قدر چوق بحریہ اعانہ سی کوندریورلر . الحاق ایچین نہ قدر چالیشدقلری میداندہ در .

بڑ بوللری کوریور و کدرلر ایچندہ یانوب قاوورولورز . سکیز آیدن برو طرابلسدہ دائما شانلی مظفریتلر قانیورز . بوقدر مسلمانلر دین و وطن اوغرندہ شہید اولیورلر . ینہ دونماسزلق یوزندن بونجہ قازانچلریمز استفادہ سز قالیور ، بر ثمرہ سنی طادامیورز . طیارہ لرک قدرینی طرابلسیلر نہ قدر آچی آکلادیلر ، کہ بوکونکی حاللریلہ برابر ینہ جان و ماللریلہ چالیشیورلر و آتشلر آردہ سنندہ طیارہ اعانہ سنہ بیک اوچیوز یکرمی آلتون بردن ویریورلر . دونماسزلغک و طیارہ سزلکک آجیسنی دشمنلرک آیاقلری ایتندہ ازلن ، بی تاب و بی پناہ قالان مسلمانلر چکیور ، اللہ سزلرہ نہ طاتدیرسون ونہ دہ چکدیرسون . بڑ کرید مسلمانلری بواسیر حالزلہ برابر کیجہ کوندوز دونمای عثمانی ایچین چالیشمقده یز . شمدی یہ قدر قرق بش بیک فرانسز آلتونی اعانہ منر طویلاندی . سزک او حق کلامی اولان مقالہ لریکزہ درت ال ایلہ صاریلدق ، چالیشیورز . بوقدر وارداتمزہ قارشو چارہ سز مصرفز طوی طوی اوچیوز سکسان فرانقندن عبارتدر .

رمضان شریف یا قلاشیور . مسلمانلرک عادتق ز کاتلرینی رمضانندن آز اول ، صدقہ فطرہ لرینی دہ رمضانندہ ویریلرہ اما شمدی جائز می ؟ دکل . بو عادت اولش . بو غیر جائز اولدیغنی بڑہ تمامیلہ مقالہ لریکزلہ اکلاندیغکز عادتلری براقم . اللہ نرہ یہ بویوردیسہ اورایہ ویرہ لم . اولمازمی ؟ بڑہ حج وز کاتندن اول اللہک عاجل امری قوہ و دونمایہ بویارہ لری ہپ بردن ویرسہ ک برکونڈہ دوننامزہ عجبا قاج دانہ زرهلی قاتاردق ؟ بڑ بوتون کریہ لی مسلمانلر قادیسلریمزلہ چوجقلریمزلہ سزہ رجا لرایدہ رز ، سز یازیکز و تشویقات مؤثرہ قطبیہ دن آیریلکیز . دوام ایدیکز . مقالہ لریکز رحمت حقدر . بڑ بوکا ایناندیق و ایمان کتیردک افندم .

کرید (امضا محفوظدر)